

SCRIPT OF MORNING GOJRI NEWS BULLETIN 25 FEB 2025 1015HRS

مارننگ گو جری نیوز بولیتن 25 فروری 2025

یوہ آکاشوانی جموں عبیدالرحمان تیں خبر سُنو۔

CM SAMAGAM

وزیر اعلیٰ عمر عبداللہ نے گزشتہ روز شیر کشمیر بین العوامی کنونشن مرکز سرینگر ماتہ سماگم ۲ ہزار ۵۲ روزہ تقریب غا افتتاحی اجلاس غے دوران خطاب کرتا ماتہ کہیو کہ عوام غے اندر اپنا جسم غا حسان گو عطیو دین متعلق بیداری عام کرن غی سخت ضرورت ہے موصوف نے اپنی رائے پیش کرتا ماتہ کہیو کہ طبعی ماہرین مزہبی اسکالراں نال مل غے اس مضمون ور مزید گل بات کر غے نتیجہ افز کیو جاسکے۔ واضع رہ کہ یاہ تقریب نٹو نوی دہلی تے ریاستی سطح ور ہسمانی حسان غا عطیہ متعلق تنظیم اٹو غا سانجہ تال میل نال منعقد کرائی گئی۔ اس تقریب ماتہ وزیر اعلیٰ مہمان خصوصی تھا۔ تے اُن نے گرداں تے قرنیہ ٹرانسپلانٹ ماتہ شیر کشمیر ادارہ برائے طبعی سائنس سکیمز گورنمنٹ میڈیکل کالج سرینگر تے گورنمنٹ میڈیکل کالج جموں غا کردار غی تعریف کی۔ موصوف نے ان اداراں ماتہ دیگر جسمانی اعضاء غا عطیہ تے ٹرانسپلانٹ ور اپنی کوششاں ماتہ مزید تیز کرن غو کہیو۔

CM EV DRIVE

وزیر اعلیٰ عمر عبداللہ نے گزشتہ روز بین العوامی کنونشن مرکز سرینگر تیں تیز رفتار ای وی درانیو غا دوجا سیزن غی شروعات ہری جھنڈی دس غے کی اس تقریب ماتہ منعقد کران آلان نال گل بات غے دوران وزیر اعلیٰ نے کشمیر تیں کنیا کماری تک غا اس سفر وستے نیک خواہشات غو اظہار کیو ہے اس تقریب غی اہمیت ور تبادلہ خیال کرتا ماتہ وزیر اعلیٰ نے کہی وکہ گڈیاں غی ٹیکنالوجی ماتہ یاہ ڈرائیو ہری اہمیت رکھے کیوں جے اس نال گڈیاں غا چینجنگ نظام تے دیگر مشیزی غو اندازو ہو جے۔ ٹیم ور بھروسو جتا تاں ماتہ وزیر اعلیٰ نے کہیو کہ اس بار ٹیم ٹاٹا کرو ای وی ماتہ ۰۸ گھنٹاں غے اندر کشمیر تیں کنیا کماری غو سفر کرے غی۔

LG ADDRESS

کابینہ نے سمعوار غے تہاڑے آئیندہ بجٹ اجلاس غے پہلے تہاڑے قانون ساز اسمبلی ماتہ لیفٹیننٹ گورنر غا خطاب ماتہ منظوری دے دتی ہے آکاشوانی جموں گا نمائیندہ نے خبر دتی ہے کہ جموں کشمیر کابینہ نے گزشتہ شام جموں سول سیکرٹریٹ ماتہ وزیر اعلیٰ غی سربراہی ماتہ بیٹھک ہونی جس دوران ۳ مارچ ماتہ اسمبلی غے اندر لیفٹیننٹ گورنر غا خطاب ماتہ منظوری دتی گئی کابینہ غی یاہ بیٹھک شام ۷ بجے شروع ہونی تے تقریباً ۰۸ منٹ تک جاری رہی۔ اسمبلی غے اندر ایل ضی غو خطاب عمر عبداللہ سرکار غی حکمت عملیاں تے منصوبیاں متعلق وے غو۔ سول سیکرٹریٹ ماتہ ۳ مارچ ماتہ سویرے دس بجے ایل جی موصوف خطاب کریں غا جس نال آئیندہ مالی سال وستے سرکار غو مشورو واضع ہو جے غو۔

PANCHAYAT ELECTION

جموں کشمیر ماتہ تقریباً ۷ سال غا وقعہ تیں بعد اس سال اپریل تے مئی مہینہ ماتہ پنچائتی انتخابات کرایا جاسکیں آکاشوانی جموں گا نمائیندہ نے خطر دتی ہے کہ ریاستی انتخابی کمیشن نے انتخابات غا سلسلہ ماتہ بڑو قدم چاتا واں انتخابات وستے ضروری سامان غے نال ۰۴ ہزار انتکابی کمپائمنٹ تے ۴۶ دوجی ضروری اشیاء مہیا رکھن وستے ۱۱ مارچ تک غو وقت مقرر کیو ہے تے یوہ سامان اگلا ۱ مہینہ غے اندر دستیاب ہو جے غو۔

CASUAL LEAVE

مہا شیو راتری غا موقعہ ور سرکار نے وزیر اعظم پیکج ملازمین تے جموں گا مہاجرین وستے ۴ دن غی خصوصی کیجول چھٹی ماتہ منظوری دتی ہے آکاشوانی جموں گا نمائیندہ نے خبر دتی ہے کہ سرکار غا حکمنامہ غے مطابق یو تی انتظامیہ نے کشمیر وادی غے اندر ملازمت کر رہیا ملازماں وستے یہ خصوصی

چٹھی منظور کی ہیں تاکہ یہ لوگ وی جموں گے اندر اپنا کُنباں نال یوہ تہوار منا سکیں یہ خصوصی چھٹی
فروری ۸۲.۷۲.۵۲ سے ۱ مارچ نانہہ لی جاسکیں غی تاجے یہ ملازمین اپنا کُنباں نال خوشی غو تہوار منا
سکیں۔

AWARENESS CAMPAIGN

ضلع انتظامیہ جموں نے گزشتہ روز ایک بیداری مہیم غی شروعات کی ہے تاکہ بھارت غے اندر جرائم متعلق
۳ نوا قوانین بارے بیداری عام کی جاسکے۔ ضلع مجسٹریٹ جموں گا حکمنامہ ور یہ بیداری پروگرام بلاک
سطح ور ہر مہینہ غا دوجا تے چوتھا ہفتہ مانہہ منعقد کرایا جنیں گا۔ اس جمن مانہہ گزشتہ روز بی ڈی او دفتر
اکھنور تے جے خے ٹی ڈی سی سرینسر غا مقام ور بیداری پروگرام منعقد ہویا۔

WEATHER

محکمہ موسمیات نے پیش گوئی کی ہے اج تیں ۸۲ فروری توڑی ہلکی تیں درمیانہ درجہ غی بارش تے برف
باری ہون غا امکان ہیں اس دوران موسم عام طور ور ابر آلود رہ غو تے جموں کشمیر غا کُجھ مقامات ور
شدید بارش تے برف باری ہون غی توقع ہے۔ محکمہ نے ہدایت جاری کرتا واں کہیو ہے جے سڑکاں ور
آمدرفت مانہہ رُکاوٹ آسکے، خاص طور ور سادھنہ پاس، رازدان پاس، سونامرگ زوجیلا گومری رستہ مغل
سڑک تے سنتھن پاس ور۔
